

Newyddiadurwr Digidol S4C

Cyflwyniad

Mae S4C yn lansio gwasanaeth newyddion digidol fydd yn dod a'r newyddion diweddaraf i gynulleidfa Gymraeg o amrywiol ffynonellau. Y nod yw cyrraedd a gwasanaethu cynulleidfa iau na'r hyn sy'n gwyllo Newyddion S4C ar deledu, er mwyn iddyn nhw fedru cael newyddion amrywiol yn y Gymraeg, ar ffurf fideo a thestun, pryd bynnag a lle bynnag mae nhw eisiau.

Dyma gyfle unigryw i fod yn rhan o wasanaeth arloesol fydd yn siapio hinsawdd newyddiadurrol Cymru i'r dyfodol.

Gyda diddordeb brwd mewn newyddion Cymreig a'r cyfryngau digidol bydd gennych syniadau creadigol a dyfeisgar am sut i ddatblygu gwasanaeth digidol o'r newydd a denu dilyniant.

Bydd gennych drwyn am stori a'r gallu i fod yn greadigol gyda'r cynnwys gan gynhyrchu cynnwys o safon sy'n dal y llygad ac yn creu sŵn.

Gyda sgiliau ieithyddol cryf byddwch yn ysgrifennu yn gywir ac yn ystwyth a bydd gennych y ddawn i gynnal tŷn ac arddull priodol ar gyfer y gwasanaeth.

Byddwch yn arddel gwerthoedd cynhwysol a byddwch yn frwd dros sicrhau bod amrywiaeth o bob math yn cael ei adlewyrchu gan y gwasanaeth.

Disgrifiad swydd

Gan weithio gyda, ac o dan gyfarwyddyd Golygydd Newyddion Digidol S4C bydd y Newyddiadurwr Digidol yn cyflawni'r dyletswyddau canlynol:

- Pecynnu cynnwys newyddion mewn arddull cyfoes digidol
- Ysgrifennu penawdau bachog sy'n denu sylw cynulleidfa
- Creu cynnwys digidol unigryw fydd yn adrodd straeon a phrofiadau unigolion
- Pecynnu straeon ac uchafbwyntiau chwaraeon
- Pecynnu cynnwys newyddion ar gyfer dysgwyr
- Rheoli ffrydiau byw ar y cyfryngau cymdeithasol
- Cynnal partneriaethau gyda chyflenwyr straeon
- Gweithio gydag adrannau eraill yn S4C i sicrhau llwyddiant y cynnwys
- Ymateb i ddata defnyddwyr er mwyn gwerthuso llwyddiant y cynnwys sy'n cael ei gyhoeddi
- Datblygu dealltwriaeth gref o gynulleidfaoedd S4C
- Adnabod ac adeiladu perthynas gyda dylanwadwyr ar-lein
- Unrhyw waith rhesymol arall.

Manyleb yr Unigolyn

Nodwedd	Hanfodol	Dymunol
Profiad	Profiad newyddiadurol	Profiad o gynhyrchu cynnwys digidol.
Sgiliau a Gwybodaeth	<p>Diddordeb a dealltwriaeth o gyfryngau digidol.</p> <p>Diddordeb a dealltwriaeth o newyddion Cymreig a byd eang.</p> <p>Y gallu i gyfathrebu yn glir ag amrywiaeth o gynulleidfaoedd trwy rwydweithiau cymdeithasol.</p> <p>Y gallu i gyfathrebu yn rhugl yn y Gymraeg a Saesneg gyda staff ac eraill ar bob lefel, yn ysgrifenedig ac ar lafar.</p> <p>Dealltwriaeth ymarferol o gyfryngau cymdeithasol a llwyfannau digidol (e.e. YouTube, Facebook, Twitter, Instagram).</p>	<p>Dealltwriaeth ymarferol o ddadansoddi data digidol (e.e. ymgysylltiadau, ymatebion).</p> <p>Y gallu i gyfathrebu yn glir ag amrywiaeth o gynulleidfaoedd trwy rwydweithiau cymdeithasol.</p> <p>Y gallu i ddefnyddio pecynnau meddalwedd golygu fideo ar unrhyw lefel e.e. Adobe Premiere, Avid, ShotCut.</p>
Nodweddion Personol	<p>Trefnus.</p> <p>Creadigol.</p> <p>Y gallu i weithio o fewn amserlenni tynn.</p> <p>Medru gweithio'n annibynnol.</p> <p>Yn fodlon gweithio y tu hwnt i oriau swyddfa arferol yn gyson.</p>	

Manylion eraill

Lleoliad: Lleoliad arferol y swydd yw Canolfan S4C Yr Egin, ac mae S4C yn cynnig trefniadau gweithio'n hyblyg.

Oherwydd coronafeirws mae S4C wedi lleihau mynediad i'w swyddfeydd ar gyfer staff sydd ddim ynghlwm a darlledu er mwyn sicrhau diogelwch a lles unigolion ac i ddiogelu darlledu. Mae'n bosibl felly y bydd gofyn i chi weithio o bell wrth ymuno â'r sefydliad os yw'r cyfyngiadau hyn yn dal ar waith.

Cyflog: Yn unol â phrofiad

Cytundeb: 6 mis

Oriau gwaith: 35 ¾ yr wythnos. Oherwydd natur y swydd disgwylir hyblygrwydd, gan gynnwys gweithio tu allan i oriau swyddfa, ar rai penwythnosau a gwyliau banc.

Cyfnod prawf: 3 mis

Gwyliau: Yn ychwanegol i'r gwyliau banc statudol, bydd gennych hawl i 26 diwrnod o wyliau gyda thâl y flwyddyn. Os yw eich cytundeb yn llai na blwyddyn, neu neu byddwch yn gweithio'n rhan-amser, mi fydd eich gwyliau ar sail pro rata.

Pensiwn: Mae hawl gan staff cyflogedig ymuno â Chynllun Pensiwn Personol Grŵp yn ddarostyngedig i delerau unrhyw gynllun sydd mewn bodolaeth ac a ddiwygiwyd o dro i dro. Os byddwch yn aelod o'r Cynllun Pensiwn Personol Grŵp, bydd S4C yn cyfrannu 10% o'ch cyflog sylfaenol i'r Cynllun. Disgwylir i chi gyfrannu 5%.

Ceisiadau

Dylid anfon ceisiadau erbyn 12.00 ar ddydd Llun 21 Medi 2020 at adnoddau.dynol@s4c.cymru neu Adnoddau Dynol, Canolfan S4C, Yr Egin, Caerfyrddin, SA31 3EQ. Nid ydym yn derbyn CV.

Cyfle Cyfartal ac Amrywiaeth

Nid yw S4C yn caniatáu gwahaniaethu ar sail rhyw, hil, lliw, anabledd, cefndir ethnig neu economaidd-gymdeithasol, oedran, amgylchiadau teuluol, statws priodasol neu bartneriaeth sifil, gweithwyr amser llawn neu ran-amser, crefydd, safbwynt gwleidyddol, cyfeiriadedd rhywiol, ailbennu rhywedd, beichiogrwydd a mamolaeth, defnydd ar iaith (heblaw lle bo'r gallu i gyfathrebu yn Gymraeg yn hanfodol i'r swydd) neu wahaniaeth amherthnasol arall ac mae'n ymroi i weithio gydag amrywiaeth mewn ffordd gadarnhaol.

Mae S4C yn croesawu ac yn annog ceisiadau gan grwpiau o bobl sydd wedi'u tangynrychioli, gan gynnwys grwpiau pobl dduon a lleiafrifoedd ethnig a phobl ag anableddau. Bydd egwyddorion cystadleuaeth deg ac agored yn berthnasol a phenodir ar sail teilyngdod.